



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

caput XLII.

**urn:nbn:de:hbz:466:1-29452**

## CAPVT XXXII.

## ARGVMENTA.

1. *Quæ sit differentia inter verbum Dei & verbum hominis.*
2. *Quomodo maximus cultus & honor sit, quem Deus à nobis exigit, scilicet vt verbo eius credamus, in illo collocemus fiduciam nostram.*
3. *Vt illud faciamus & custodiamus.*

**H**æc potissima est differentia verbi Dei & verbi hominis, quia verbū Dei est verū, immò quia impossibile est vt possit esse falsum, verbū autem hominis potest esse falsum. Sic Apostolus ad Rom. 3. Est autem Deus verax id est, impossibile est quòd verbum eius possit esse falsum, omnis autem homo mendax, Psal. 115. scilicet inquantū homo secundum naturā. nam quòd homo aliquando dicit veritatem, vt sancti Dei Apostoli, Euangelistæ, Doctores à Spiritu sancto est. Nam omne verum, à quocunq; dicitur, à Spiritu sancto est, inquit Augustinus. Deus autem natura est summa veritas, & mentiri non potest: idè eius verbum manet æternaliter verum: hoc Prophetæ semper inculcârunt hominibus. Psal. 118. In æternum Domine permanet verbum tuum. Esa. 40. Verbum Domini manet in æternū, omnis autem caro fœnum: Igitur verbum Dei semel dictum manebit, & falsum esse nõ poterit, siue homo credat siue non credat, credentibus autem non nocebit incredulitas aliorum, sicut arguit Apostolus Rom. 3. Quid enim, si quidam illorum non crediderunt? &c. Lucæ 21. verba mea &c.

Quoniam verbum Dei solum hanc habet dignitatem, quòd falsum esse nequit, quia summa veritas Deus est, idè maximus cultus & honor est, quem à nobis exigit Deus, credere scilicet, & fidem dare eius.

verbo, id est, certissimè credere quòd sic eueniet. sicut  
 verbum dicit, vel bona promittendo aut pœnam  
 minando. Nam os Domini locutum est Esaia 25. I.  
 deò eueniet. Ex quo sequitur, quòd illi qui non cre-  
 dunt verbo Dei, illi non sunt ex Deo, id est, non-  
 dum renati sunt. Vt igitur possimus credere certo  
 & sine hæsitatione, opus est Spiritus sancto. Natura  
 nostra id non potest, legit, audit, cantat, loquitur  
 Verbum Dei: sed cor non credit, quia nondum ex  
 Deo natus est homo. Ioan. octauo, Qui ex Deo est,  
 verba Dei audit, & credit, vos non auditis verbum  
 DEI, &c. Ideò rogamus Spiritum sanctum pro ta-  
 li fide, vt possimus verè credere verbo Dei: alioquin  
 manebimus sine fide verbi. Insuper fides in solo ver-  
 bo pendet & viuit, sicut Christus inquit Matthæi 4.  
 Nō in solo pane viuit homo, sed in omni verbo quod  
 procedit de ore Dei. Ecce homo viuit in verbo quod  
 os Domini locutum est, quod verbum fides tenet,  
 & non curat quicquid postea mundus, peccatum,  
 mors, infernus tumultuatur. Si quis autem verbum  
 obliuiscitur, tunc perit: quod sic intelligendum est,  
 mundus & res mundi minantur defectum cibi & po-  
 tus atque vestimentorum pro te & familia tua, ho-  
 diè pereunt frumenta, vinum, hordeum: Fortuna  
 tua decrescit penitùs, & ad paupertatem redigetur,  
 & cæt. In tali anxietate oportet fides tua pendeat in  
 verbo, quod ab ore Domini est est prolatum. Matthæi  
 6. Nonne corpus plus quàm vestimentum? scit pater  
 vester, quia his omnibus indigetis: Primum ergo  
 quarite regnum Dei & iusticiam eius, & hæc omnia  
 adijciuntur vobis. Ad hanc promissionem se tenent  
 oportet fides nostra, & certò credere, quoniam non  
 non relinquit vt fame pereamus, etiam si sensibus vi-  
 deretur, nulla esse frumenta in mundo: Nouit Deus  
 implere verbum suum, tu saltem credas verbo ore  
 Dei. Sic Num. 11. legitur, quòd Dominus respondit,  
 quando populus in deserto clamabat pro carnibus,

Moy  
 3. qu  
 Edu  
 oris  
 in ill  
 cibus  
 sibili  
 senti  
 ri no  
 det, f  
 mun  
 nostr  
 Luc.  
 quod  
 bñ vi  
 vita d  
 inim  
 Dei,  
 huius  
 rorer  
 Omn  
 uet &  
 huius  
 quàm  
 tas in  
 contr  
 quam  
 Iste  
 folan  
 pecca  
 ctu m  
 tatio  
 48. M  
 Sic o  
 runt  
 prom

Moyſi: Nūquid manus Domini inualida eſt? Sic Exo-  
 3. quando miſit Deus in Aegyptū Moyſen, dixit illi:  
 Educes populū meum, & ego ero tecum: hoc verbum  
 oris Dei, Ero tecū, notauit Moyſes, & pende-  
 bat fide in illo, dū tranſiuit mare, dū ſequerentur hoſtes, dū  
 cibis & potus deficeret in deſerto, & nihil illi impoſ-  
 ſibile videbatur, quantumcunq; etiam hoc rationi &  
 ſenſibus impoſſibile erat: cogitabat enim, Deū menti-  
 ri non poſſe. Sic ſi peccatū vrget, & deſperationē ſua-  
 det, fides pendet in illo verbo Ioā 3. Sic Deus dilexit  
 mundū, &c. Eſa. 53. Poſuit Dñs in eo peccata omnium  
 noſtrū. Ro. 4. Mortuus eſt pro peccatis noſtris, &c.  
 Luc. 19. Venit filius hominis quærere & ſaluū facere  
 quod perierat, & conſimilib. locis Euangelij. Hoc ver-  
 bū viuificat contra peccatum & retinet pœnitentē in  
 vita & pace. Quòd ſi tribulatio, infirmitas, amici aut  
 inimici perſequuntur, fides ſemper pendet in verbo  
 Dei, Io. 16. Confidite, ego vici mundum. Et, Princeps  
 huius mundi non habet in me quicquā. Si mors hōr-  
 rorem incutit, fides pēdet in illo verbo Chriſti Io. 11.  
 Omnis qui credit in me, etiam ſi mortuus fuerit, vi-  
 uet &c. Si infernus & Dēmon terret, Io. 14. Princeps  
 huius mundi iudicatus, ligatus eſt: nihil poteſt vltra,  
 quā Deus permittit. Sūma, non eſt aliqua calami-  
 tas in mundo, in corpore, rebus, officio &c. quæ non  
 contrariam habeat conſolationem & promiſſionem  
 quam fides tenet, & ſic in Deo viuut.

Iſte cultus, cum ſic verbo Dei credimus, & nos cō-  
 ſolamur, maximè placet Deo: e contra, grauiffimum  
 peccatum eſt, verbum Dei oſcitanter & ſine intelle-  
 ctu murmurare, cantare aut legere, & non ſic in ten-  
 tatione conſcientiam confortare, idè dicitur Hier.  
 48. Maledictus qui facit opus Domini fraudulenter.  
 Sic omnes ſancti pendentes fide in verbo Dei, vice-  
 runt regna, operati ſunt iuſtitiam, & adepti ſunt re-  
 promiſſiones, Hebręor. 11. Hęc fides in verbo Dei ap-  
 prēhen-

præhensa, est gladius Spiritus, quo depugnatur sa-  
 than Vult ergo Deus vt nudè pendeamus fide in ver-  
 bo suo. Multi credunt, si diuites fuerint, si prospere il-  
 lis successerit: multi, quia plura bona fecerunt, con-  
 fidunt se saluos fore, non pendent nudè ad verbum  
 Dei. Quod ppter Christum promittit salutē. Act. 10.  
 Huic omnes Prophetę testimoniū perhibent &c. ma-  
 ximus ergo Dei cultus est, credere verbo diuino, &c.

Quia in Euangelio sunt multæ promissiones, quo  
 ad pios, etiam multæ comminationes quoad im-  
 pios, vt Matthæi 11. de ciuitatibus, & cap. 23. de Pha-  
 risæis, & cap. 18. de non remittentibus offensam &c.  
 Igitur non solum oportet credere, quòd sic verum sit  
 quod Euangelium docet, sed oportet etiam facere.  
 Matth. 7. Qui audit verbum Dei, & facit illud: & Luc.  
 11. Beati qui audiunt verbum Dei, & custodiunt illud.  
 Qui ergo non facit iuxta verbum Dei & viuit, is nõ-  
 dum credit, etiam si dicatur & sibi videatur credere.  
 Recte dicitur, quia rara auis vera fides, & Luc. 18. Ve-  
 runtamen filius hominis veniens putas inueniet fi-  
 dem in terra? id est, qui pendeat nude in verbo Dei in  
 omni tentatione, & qui opere faciat Euangelium.  
 Sed nihil consolabilius in toto mundo, quàm hæc fi-  
 des: Dominus dixit, is mentietur minimè. Habet e-  
 nim verbum Dei efficaciam & virtutem. Sic credidit  
 Centurio Matth: 8. & sic commendatur regulus Ioan.  
 4. Qui autem plus tribuit personæ Christi, quam  
 eius verbo, arguitur à Christo Ioan. 4. Hæc est enim  
 propriè fides iustificans, assentiri & credere verbo  
 Dei aut promissionibus diuinis.

## CAPVT XXXIII.

## ARGVMENTA.

1. *De certitudine conscientie in re salutis.*
2. *Quòd misericordia Dei quæ propter Christum  
 exhibetur.*